



III CONVOCATORIA PARA A AVALIACIÓN DA ACTIVIDADE DOCENTE DO PROFESORADO DA UDC (PROGRAMA DOCENTIA) PARA O CURSO ACADÉMICO 2011/2012

Co Programa de Apoio á Avaliación da Actividade Docente (DOCENTIA), a ANECA-ACSUG pretende satisfacer as demandas das universidades e a necesidade do sistema educativo de dispoñer dun modelo e duns procedementos con que garantiren a calidade do profesorado universitario e favoreceren o seu desenvolvemento e recoñecemento. Todo isto de acordo coas directrices previstas na reforma da LOU e en estreita colaboración coas axencias das comunidades autónomas, coas que se asinaron convenios de colaboración específicos para que desenvolvan o programa no ámbito territorial da súa competencia mantendo en todo momento a coherencia ao utilizaren un modelo común.

Na convocatoria do ano 2007 a Universidade da Coruña, xunto con outras 63 universidades españolas, presentou o Programa Docentia, aprobado no Consello de Goberno da UDC nas súas sesións do 18/12/2007 e do 23/07/2008, logo de que a Comisión de Avaliación da ACSUG lle outorgase un **INFORME POSITIVO** que lle permite comezar coa fase de implantación do seu deseño de avaliación da actividade docente con vistas á súa certificación pola ACSUG e a ANECA.

Como consecuencia disto nos cursos académicos 2008/2009 e 2009/2010 a Universidade da Coruña publicou a 1.^a e a 2.^a Convocatoria do Programa Docentia para a avaliación da actividade docente do seu profesorado. A partir destes procesos introducíronse novos cambios que levaron a aprobar un novo manual deste programa na sesión do Consello de Goberno da UDC do 21 de decembro de 2010.

REQUISITOS DAS PERSOAS SOLICITANTES

Poderá solicitar a avaliación todo o profesorado da UDC.

Para garantir o desenvolvemento do Programa nas mellores condicións administrativas e de avaliación, a Comisión Interna de Universidade, en función do número de solicitudes recibidas, determinará o profesorado que será admitido atendendo aos seguintes criterios:

- Número de créditos impartidos en títulos de grao/mestrado universitario no período de avaliación.
- Dedicación a tempo completo.
- Equilibrio entre solicitudes/profesorado admitido en cada rama de coñecemento.



PERÍODO QUE SE VAI AVALIAR

Nesta convocatoria avaliarase o quinquenio docente correspondente aos cursos académicos 2006/2007 a 2010/2011.

OBXECTIVOS DA AVALIACIÓN


Os **obxectivos xerais** que se pretenden alcanzar no proceso de avaliación da actividade docente do profesorado da UDC son:

- Recoñecer a importancia da actividade docente do profesorado no conxunto das actividades que este realiza dentro da Universidade da Coruña.
- Situar a avaliación da actividade docente do profesorado no marco das prácticas ao uso internacionalmente recoñecidas, aliñada cos criterios de garantía de calidade dos títulos universitarios.
- Favorecer o desenvolvemento do profesorado, a súa promoción persoal e profesional, de modo que poida ofrecer un mellor servizo á sociedade.
- Apoiar individualmente o profesorado proporcionándolle evidencias contrastadas sobre a súa actividade docente e a súa posible mellora.
- Favorecer o proceso de toma de decisións relacionadas coa avaliación, que afectan a diferentes elementos na política de profesorado, como o desenvolvemento de planos de formación.
- Contribuír ao necesario cambio cultural nas universidades respecto á avaliación da actividade docente e potenciar o intercambio de experiencias entre as universidades para a mellora continua da dita actividade.
- Favorecer a cultura da calidade aliñando a actividade docente do profesorado cos obxectivos da institución.
- Cumprir cun dos criterios para a acreditación de títulos e que está previsto recoller no deseño dos sistemas de garantía interna de calidade en cada centro.
- Outros que nun futuro puideren ser de interese para a Universidade.

CONSECUENCIAS DESTA AVALIACIÓN

A Universidade da Coruña, dentro da súa política do profesorado e de mellora dos títulos declara explicitamente que a intención e finalidade con que acomete este programa, considera as seguintes consecuencias da actividade docente:

- Acompañar a avaliación dun plan formativo para o profesorado que axude a mellorar as súas competencias profesionais e a que todos fagamos mellor as nosas tarefas ano tras ano. O profesorado que realiza a avaliación ten preferencia para participar no programa de apoio ao ensino da UDC.
- Os centros poden utilizar os datos para o proceso de seguimento dos seus títulos e o profesorado para os procesos de acreditación, as



convocatorias de complementos autonómicos da Consellaría de Educación e Ordenación Universitaria da Xunta de Galicia e a súa consideración como mérito na concesión de contratos programa para a innovación e nos premios á innovación docente que convoque a UDC.

- Calquera outra que a Universidade da Coruña determine.

FORMALIZACIÓN DAS SOLICITUDES

Para participar no Programa Docentia é necesario cubrir a solicitude a través da aplicación informática dispoñible no enderezo web: <https://www.qdsug.es/docentia/udc>. Esta aplicación xerará o impreso de solicitude para participar no proceso que se debe presentar no Rexistro Xeral da Universidade da Coruña (rúa Maestranza 9, 15001 A Coruña) ou nos rexistros auxiliares (Casa do Lagar, campus de Elviña e campus de Esteiro, rúa Dr. Vázquez Cabrera s/n, Esteiro, 15403 Ferrol) dirixido ao reitor da UDC, desde a data de publicación desta convocatoria até ás 14:00 h do día 30 de abril de 2012.

COMISIÓN DE SELECCIÓN

A selección do profesorado admitido a esta convocatoria será realizada pola Comisión Interna de Universidade constituída polas seguintes persoas:

- **Presidente:**
Vicerreitor de Títulos, Calidade e Novas Tecnoloxías: D. Julio A. Abalde Alonso
- **Secretaria:**
Técnica da Unidade Técnica de Calidade (UTC): D.^a Ana Beatriz Iglesias Blanco (que actuará con voz pero sen voto)
- **Vogais:**
Vicerreitor de Profesorado e Planificación Docente: D. Gustavo Rego Veiga
Director da UTC: D. Miguel A. González Valeiro
Coordinadora da Comisión de Formación e Asesoramento: D.^a Alicia Risso Miguez
Técnico responsable da avaliación docente no Servizo de Informática e Comunicacions: D. Santiago Bort Couceiro

Cinco docentes:

- Rama de Arte e Humanidades: D.^a M.^a Jesús Lorenzo Modia
- Rama de Ciencias da Saúde: D. Sergio Santos del Riego
- Rama de Ciencias: D.^a Elvira Sahuquillo Balbuena
- Rama de Ciencias Sociais e Xurídicas: D. Xurxo Dopico Calvo
- Rama de Enxeñarías e Arquitecturas: D.^a Concepción Vidal Martín

Dous estudantes:

- Amelia Fraga Mosquera



UNIVERSIDADE DA CORUÑA

- o Luís Miguel Puente Castelo

CRITERIOS DE AVALIACIÓN

Os criterios e o procedemento de avaliación serán os que están recollidos no Programa Docentia, aprobado polo Consello de Goberno da UDC na súa sesión do 21/12/2010.

INFORMACIÓN SOBRE O PROGRAMA DOCENTIA

As persoas interesadas poden solicitar información por correo electrónico no enderezo docentia@udc.es ou na extensión telefónica 1058.

O documento íntegro do Programa Docentia coas súas modificacións está publicado na páxina web:

http://www.udc.es/utc/ferramentas_calidade/docentia

A Coruña, 16 de abril de 2012

O presidente da Comisión Interna da Universidade

Julio A. Abalde Alonso



PRAZOS EN QUE SE DESENVOLVERÁ A CONVOCATORIA

Do 16 ao 30 de abril de 2012	Presentación de solicitudes a través da aplicación informática y entrega nos rexistros da UDC.
Do 2 ao 16 de maio de 2012	Comunicación sobre a aceptación ou rexeitamento da solicitude presentada.
Do 18 ao 31 de maio de 2012	A persoa solicitante incorporará as evidencias na aplicación informática e remitirá á UTC en formato papel as copias dos xustificantes.
Ata o 29 de xuño de 2012	Comunicación da aceptación ou rexeitamento das evidencias que incorporou o/a solicitante á aplicación informática.
	A UTC incorpora as evidencias dispoñibles sobre o/a solicitante
	As autoridades académicas cubrirán os informes de cada solicitante na aplicación informática.
Do 2 ao 13 de xullo de 2012	Reclamación das evidencias.
Ata o 28 de setembro de 2012	O solicitante cubrirá o autoinforme de avaliación na aplicación informática.
OUTUBRO	Os comités de avaliación docente levan a cabo o proceso de avaliación de acordo co Programa Docencia.
NOVEMBRO	A Comisión Interna da Universidade enviaralle a cada profesor/a a resolución e, caso de que o profesorado non estea de acordo coa valoración, reclamará perante a CIU no prazo dun mes desde o día seguinte á recepción da resolución.